



Iacobus Villingæ in Sueuia natus est, anno circiter 1525. Is cum prima literarum fundamenta in patria feliciter iecisset, postea ad varias academias se contulit, & artibus & legibus diligentem operam nauauit. In his quoque adeo profecit, ut omnium consensu Iuris Doctor crearetur. Erat is quoque acuti iudicij & singularis facundiae homo. Itaque Friburgensis Academiae proceres eum inter Professores receperunt, & Ius civile exponere iusserunt. id quod Iacobus magna laude praestitit. Cum hoc modo eius industria ubique innotesceret, etiam in Ensisheim, ubi Austriae superioris regimen existit, consiliarius constituitur. Vnde Iacobus profitendo & consulendo sese exercens, magnam sibi auctoritatem comparauit, atque etiamnum

pergens, cunctis gratissimus existit. Anon.